


特別
八五
3111



福州管内忠緣寺開元禪寺雕造毗盧藏經印板副五百餘冊恭為

當今皇帝祝延聖壽萬分臣僚同資祿位會首林昭卓獲劉慶燕康國陳詢都會首蔡俊臣

陳請謝營員兼對經師德義證會住持南證會富三殿美聖泗洲時重和年月日顯

法苑珠林卷第十一

降佛之四

其案

大唐上都西明寺沙門 臣道世撰

成道部第十二此別有十部正十三部

其案

十一卷

一身

述意部

乞食部

學定部

苦行部

乳糜部

草座部

降魔部

成道部

天魔部

變化部

述意部第一

蓋聞大聖應期有感必形蔭覆什方化週三界是四生之導首六趣之舟航至如兜率上

生閻浮現滅冠日處胎殞星晦迹林微丘園
誓四八之端畢利義樹放十種之光鑑彼四
門指滋五慾捨嚴城而獨往依道樹而超登
合四鉢於蓮河渡五憐於鹿苑蕩愛著於縣
區湔塵冥於曩劫慧日既開允清八嶽立功
闡化慈照四生敷演一音各隨類解像教彼
興其來久矣

乞食部第二

如四分律云爾時菩薩漸漸遊行從摩竭國
界往至婆羅閱城於彼止宿明日入城乞食
顏貌端正屈伸俯仰行部庠序視前直進不
左右顧眄著衣持鉢入羅閱城乞食時摩竭

王在高樓上諸臣前後圍繞遙見菩薩入城
乞食行步庠序即向諸臣以偈讚之王即遣
信問比丘欲何所詣菩薩答之山名班荼婆
當於止宿使人速還返白王如是事王聞彼
使言即嚴好爲乘衆人共尋從即往禮菩薩
時王語太子言今可於此住我舉國一切所
有及脫此寶冠相與可屈王位治化我當爲
臣時菩薩報言我捨轉輪王出家學道豈可
於此邊國王位而處俗耶王今當知猶如有
人曾見大海水後見牛跡水豈可生漆著心
此亦如是豈可捨轉輪王習粟散小王位此
事不然時王前白言若成無上道者先詣羅

闕城與我相見菩薩報言可尔尔時王即禮
菩薩足繞三帀而去又佛本行經云菩薩摩
伽陀國王說云大王我等今實不畏彼毒蛇
亦復不畏天雷霹靂亦復不畏於猛火焰被
大風吹燒野澤者但畏五欲境界所逼何以
故諸欲無常猶如劫賊盜諸功德尔時菩薩

即說偈言

真果

一卷

二

慧

五欲無常害功德
世間果報本誑人
愚癡天上不滿意
欲穢染著不覺知
往管頂生聖王主

六塵空幻損衆生
智者誰能暫停住
况復人間得稱心
猶如猛火然乾草
降伏四域飛金

復得帝釋伴座居
假令盡王此大地
世人嗜欲不知厭
大王當知彼須彌山下有阿脩羅然其兄弟
各為貪愛一玉女二人相爭而自鬪戰傷害
俱死便說偈言曰

忽起貪心便墮落
心猶更欲攝他方
如巨海納諸流水

往昔脩羅兩兄弟
骨肉憐愛染着增
菩薩又言或為五欲故生天生人既得生已
著五欲故投身透水或復赴火為五欲故自
求怨讎又說偈言
癡人愛欲故貧窮

為一玉女自相殘
智人觀知不貪欲
繫縛傷殺受諸苦

意望此欲成衆事

不覺力盡後世死

又佛本行經菩薩說偈言

假使恩愛久

共處至命盡

會別離見此

無常須臾間

是故我棄捨

恩愛永離別

志求無上道

願度一切人

學定部第三

如四分律云時菩薩即向阿藍迦藍所學不用處定精進不久得證此法時菩薩捨之而去後往鬱頭藍子處學有想無想定精進不久得證此法菩薩思惟此兩處定非涅槃非永寂休處不樂此法便捨二人而去更求勝法時菩薩更求勝法者即無上休息法也時

有五人追逐菩薩念言若菩薩成道當與我等說法又佛本行經去阿羅邏仙人報菩薩云諸凡夫人愛於貪欲受繫縛等苦一切皆由境界而說偈言

山羊被殺因聲死
水魚懸釣為吞餌

飛蛾投燈由火色

世人趣死以境牽

又新婆沙論云佛為菩

菓

一卷

三十一

薩時馱老病死出劫比羅伐窣堵城求無上智時淨飯王釋種五人隨逐給侍二是母親三是父親母親二人執受欲樂行得淨父親三人執苦行得淨當於菩薩修苦行時母親二人心不忍可即便捨去菩薩後知苦行非道捨而受食羹飯酥乳以油塗身習處中行

父親三人咸謂菩薩在亂失志亦復捨去後
世尊成佛即作是念彼皆是我父母親族先
來恭敬供養於我今欲酬報爲何所在天即
白言今在婆羅痾斯國仙人鹿苑庶事問何
故名婆羅痾斯谷此是河名去其不遠造立
王城是故此城亦名婆羅痾斯問何故名仙
人論處答若作是說諸佛定於此處轉法輪
者彼說佛是最勝仙人皆於此處初轉法輪
故名仙人論處若作是說諸佛非定於此轉
法輪者彼說應言仙人住處謂佛出世時有
佛仙及聖弟子仙衆所住佛不出世時有獨
覺仙所住若無獨覺時有世俗五通仙住以

此處恒有諸仙居住今住當住故名仙人住
處有說應言仙人墮處昔有五百仙人飛行
山中至此遇退因緣一時墮落問何故名施
鹿林答恒有諸鹿遊止此林故名鹿林昔有
國王名梵達多以此林施與群鹿故名施鹿
林如羯蘭鐸迦長者於王舍城竹林園中穿

一池以施羯蘭鐸迦鳥令其遊戲因名施羯
蘭鐸迦池此亦如是故名施鹿林

舊翻名迦
蘭陀鳥善

見論其
形如鵲

苦行部第四

尔時菩薩於此鹿林在五拘隣比丘所學於
苦行經於六年極生辛苦過其本師以自餓

故而不得道徒勞疲形故涅槃經云菩薩當
以苦行自誠其心日食一胡麻經一七日杭
米綠豆麻子粟糜及以白豆亦復如是各一
七白如是修苦行時一切皮肉銷瘦皺減如
斷生瓠置之日中其日坎陷如井底星空盡
肋出如朽草屋脊骨連現如重線博所坐之
處如馬蹄跡欲坐則伏欲起則偃雖受如是
無利益苦然不退於菩提之心又菩薩處胎
經本佛告苦行菩薩管我所更苦行無數於
屋連河邊六年苦行日食一麻一米斯由曩
管向一緣覺狂口四過斷絕一施重受輕報
又大集經云亦時光味菩薩為諸大眾而說

偈言曰過去無量僧祇劫種種布施習檀那
清淨尸羅及羸提精進坐禪學般若安樂一
切衆生故備忍種種諸苦辛宮中六萬后妃
嬪棄捨出家如脫屣獨處六年修苦行日食
麻一米麥精進盡夜不睡眠身形唯有皮
骨在菩提樹下思惟坐八十萬衆天魔來四
方上下地及空八十由旬悉充滿如是魔軍
及眷屬皆能破壞使歸降成就無上勝菩提
得證第一義諦果

乳糜部第四

又佛本行經云尔時六年既滿至春二月十
六日時內心自作如是思惟我今不應將如

是食食已而訖阿耨多羅三藐三菩提我今
更從阿誰邊求美好之食誰能與我彼美食
令我食已即便證取阿耨菩提時菩薩心如
是思惟之時有一天子知菩薩心如思惟
速往詣於善生村主二女邊至彼處已即告
之言汝善生女汝若知時菩薩今欲求好美
食菩薩今須取上美食食美食已然後欲證
阿耨菩提汝等今可為彼備辦足十六分妙
好乳糜是時善生村主二女聞於彼天如是
告已歡喜踊躍遍滿其體不能自勝速疾聚
集一千牒牛而構取乳轉更將飲五百牒牛
更別日構此五百牛轉持乳將飲於二百五

十牯牛後日構此二百五十牯牛之乳還再
飲百二十五牛後日構百二十五牛之乳飲
六十牛後日構此六十牛乳飲三十牛後日
構此三十牛乳飲十五牛後日構此十五牛
乳著於一分淨好秬米爲於菩薩煮上乳糜
其彼二女煮乳糜時現種種相或復出於滿
華瓶相或現功德河水淵相或時現於卍字
之相或現功德千輻輪相或復現於斛領牛
相或現爲王龍王之相或現魚相或時復現
大丈夫相或復現於帝釋形相或時有現梵
王形相或復現出乳糜向上涌沸上至半多
羅樹須臾還下或現乳糜向上高至一多羅

樹訖還下或現出高一丈狀還入彼器無有
一滴離於器而落餘處煮乳糜時別有一善
解海筭數筭占相師來至彼處見其乳糜出
現如是諸種相貌善占觀已作如是語希有
希有是誰得此乳糜而食彼人食已不久而
證甘露妙樂尔時菩薩至於二月二十三日
於晨朝時至彼村主家大門之外默然而立
欲求食女見即便取一金鉢盛貯安置和蜜
乳糜滿其鉢中自執持向菩薩前到已即住
向菩薩言唯願尊者受我此鉢和蜜乳糜憐
愍我故時菩薩受彼乳糜持至左連禪河有
一龍女名左連荼邪從地涌出手執莊嚴天

妙筌提奉獻菩薩菩薩受已即坐其上坐其上
上已取彼善生村主之女所獻乳糜如意飽
食悉皆淨盡菩薩既食彼乳糜已緣過去世
行擅福報業力熏故身體相好平復如舊端
正可喜圓滿具足無有缺減尔時菩薩食彼
糜訖以金鉢器棄擲河中時海龍王生大希
有奇特之心復為菩薩歎現世故執彼金器
擬欲供養將向自宮是時天主釋提桓因即
化其身作金翅鳥金剛寶策從海龍邊奪取
金鉢向忉利宮三十三天恒自供養於今彼
處三十三天立節名為供養金鉢器節從彼
已來至今不断尔時菩薩食糜已訖從座而

而起安庠漸漸向菩提樹彼之筌提其龍女
還自收攝將歸自宮為供養故而有偈說曰
菩薩如法食乳糜是彼善生女所獻食訖歡
喜向道樹決定欲證取菩提。依宣律師住
持感應記去具論因緣並在第十卷中灌帶
部內述之時有四天子告律師云世尊初
成道第十一季於王舍城中須摩長者園內
告諸大菩薩及大弟子曰我初踰城時至彼
泮沙國路逢牧牛女我語云我有少飢渴從
汝乞飲食彼女荅云汝何所往荅言求趣菩
提又問名字何等荅言悉達彼女又白我言
我讀韋陀之典云不久有太智人當成正覺

我觀仁者相貌音聲是諸佛相我作此山神
經十六大劫過去諸佛我皆親覲汝可隨我
往至住處當與汝飲食過去迦葉佛涅槃時
付我一澡灌其頂上有雙龍繞下有師子蹲
拘留佛所製遞相付我訖至樓至佛此龍瓶
內具足有八功德水汝若飢渴當飲此水能
消煩惱增長菩提勿輕此小瓶假使四大海
水內此瓶中猶不能滿中有龍王此賢劫初
三佛出世所有遺法多在瓶內與娑竭龍宮
一無有二又迦葉佛付我香爐及一黃金函
將付仁者其香鑪前有十六頭半是師子半
是白鳥於二獸頭上別起蓮華臺以臺為鑪

相於鑪四緣別起六根樓樓出天童可長二
寸如是諸天童合有九十六每燒香時是諸
童子各各分番來付香鑪後師子向外而蹲
踞從師子頂上有九龍盤繞上承金華花內
有金臺即臺為寶子於臺寶子內有十三萬
億真珠大樓觀各盛諸妙香復有十三萬金
際毗尼藏中有比丘入于滅盡定若至燒香
時其諸鑪頭諸天童子來至寶臺所各各口
出燒香歌曲臺門自開諸比丘從定而出從
真珠觀取香付囑天童付已臺門自閉從九
龍口中又銜白銀觀為臺眷屬而諸銀臺內
皆有天童子常作天樂讚歎燒香其音清雅

無可爲比衆生聞者生信悟道如來每說法
時在大衆前常執香鑪天童取香來授與佛
令之供養又有黃金函內盛大般若合三十
億偈黃金爲經牒白玉爲界道白銀爲字其
函長三寸內有二比丘亦入滅定此函及鑪
是拘留佛所製次第付我乃至樓至佛諸佛
欲興世皆開此金函披閱經典以般若力天
魔不嬈速登正覺今將付囑努力守護勿令
損失我受得已於菩提樹下六年苦行常飲
此瓶水故除飢渴煩惱亦消也又我初欲成道
入河澡浴受二女乳糜至菩提樹下欲昇金
剛壇山神至我所即告我言汝今成道可依

往佛若初成道欲昇金剛壇先執香鑪繞壇
可行七帀十方諸佛各手捻香付彼鑪中今
既成道可依前佛佛依此法繞壇繞樹合三
十二帀十方諸佛亦前授香次命人王天王
釋梵龍王十地菩薩各前授香佛以威神香
聞十方上至有頂受香衆生聞香解脫諸根
具足智慧增長種種神變不可具述又告梵
王執彼龍瓶水以灌世尊足人王天王帝釋
魔梵各次洗足地爲六種震動如來從足下
放金色光坐金色蓮華座十方諸佛各來投
香於光明中盧舍那佛出金色手摩釋迦佛
頂又說妙法我今十方佛欲白羯磨授釋迦

文佛成無上法王位諸佛秉此羯磨在金壇
上天人大衆無量恒沙聞佛羯磨一時寂然
猶如比丘入第三禪諸佛秉羯磨受法王位
已地之六種大動佛放光明普照十方廣作
佛事利益凡聖不可具述 草坐部第五

如佛本行經云尔時菩薩於河澡浴食乳糜
沐身體竟光儀平復如本威力自在安庠面
向菩提樹菩薩思惟此菩提道場欲作何座
即自覺知應坐草上是時淨居天白菩薩言
過去諸佛欲證菩提皆鋪草上而取正覺尔
時菩薩思惟誰能與我如是之草左右四顧
是時忉利天帝釋天主以天智知菩薩心已

即化其身為刈草人去於菩薩不近不遠右
邊而立刈取於草其草青綠顏色猶如孔雀
王項柔軟滑澤而手觸時猶如微細迦尸衣
色妙而香右旋宛轉菩薩問彼人言賢善仁
者汝名字何彼人報言我名吉利菩薩思惟
我今欲求自身吉利亦為他人以求吉利此

喜

一卷

文

名吉利在於我前我今決當得證向稱菩提
能與我草不其化人報言我能與草是時帝
釋即化作人刈草奉菩薩菩薩即取一把自
手執持當取草時其地即便六種震動將於
此草向菩提樹下持草中路忽有五百青雀
從十方來右繞菩薩三匝訖已隨菩薩行又

有五百拘翅羅鳥又有五百孔雀又有五百
白鵝又有五百鴻鶴又有五百白鷗又有五
百迦羅頻伽之鳥又有五百共命之鳥又有
五百白鳥皆悉六牙又有五百白馬頭耳鳥
黑駿尾悉朱長而披散又有五百牛王並皆
斛領猶如黑雲是時復有五百童子五百童
女各以種種諸妙瓔珞莊嚴其身又有五百
天女五百寶瓶以諸香花滿於其中盛種種
諸妙香水無人執持自然出行又世間中所
有一切吉祥之事皆從四方雲雨而來各在
菩薩右邊圍繞三匝已隨菩薩行一切諸天
音樂空中歡喜歌讚菩薩不可具述也又瑞

應本起經云釋提桓因化為凡夫執淨軟草
菩薩問言汝名何等答名吉祥菩薩聞之心
大歡喜破不吉以成吉祥 又觀佛三昧經
云適施草座地則大動諸佛化作八萬佛樹
師子之座或有佛樹高八千里四千里或高
百千由旬一切佛樹具足八萬大小不定今
釋迦樹最短若干天衣而布其上下又觀佛
三昧經云佛告父王如我踰出宮城去伽耶
城不遠詣阿輸陀樹吉安天子等百千天子
皆作是念菩薩若於此坐必須座具我今應
當獻於天子草即把天草清淨柔軟名曰吉
祥菩薩受已鋪地而坐是時諸天復見白毛

圍如三寸右旋宛轉有百千色流入諸相是
諸天子各作是念菩薩今者唯受我草不受
汝草時白毛中有萬億菩薩結跏趺坐各取
其草坐此樹下二天子各見白毫中有如此
相時有天子名曰悅意見地生草穿菩薩肉
上生至肘告諸天子曰奇哉男子苦行乃尔
不食多時稟一卷九通喚聲不聞草生不覺即以右手申
其白毛其白毛端直正長一丈四尺五寸如
天白寶中外俱空天見毛內有百億光其光
微妙不可具宣諸天見已歎未曾有即放白
毛右旋宛轉還復本處是時降魔魔還天宮
白毛隨從直至六天無數天子天女見白毛

孔通中皆空團圓可愛如梵王幢如來有無
量相好不及白毫少分功德

降魔部第六 如因果經云四月七日世尊
降魔于時落日停光明月映徹園林花果榮
不待春智度論云介時天魔將十八萬天魔
衆皆來惱佛佛以眉間微光照皆墮落

又觀佛三昧經云魔王心怒即欲直前魔子
諫曰父王無辜自招瘡疣菩薩行淨難動如
地云何可壞又雜寶藏經云偈如來樹下惡
魔波旬將八十億衆欲來壞佛便語佛云汝
獨一身何能坐此急可起去若不起者我捉
汝脚擲著海水佛言我觀世間無能擲我者

於前世時曾於一寺受一日八戒施辟之佛
一鉢之飯故生六天爲大魔王而我於三阿
僧祇劫亦設供養聲聞緣覺不可計數魔言
汝道我管一日持戒施辟支佛食信有其實
我亦自知汝亦知我汝自道者誰爲證知佛
以手指地言此地證我作是語時一切大地
六種震動地神即從金剛際出合掌白佛言
我作爲證有此地來我恒在中世尊所說其
實不虛佛語波旬汝今先能動此漂瓶然後
可能擲我海水尔時波旬及八十億衆不能
令動魔王軍衆顛倒自墜破壞星散 又佛
本行經云尔時魔王波旬長子名曰商主即

以頭頂禮菩薩足乞求懺悔口哩是言大善
聖子願聽我父發露辭謝凡愚淺短猶如小
兒無有智慧於今忽來惱亂聖子將諸魔衆
現種種相恐怖聖子我於已前曾諮白言以
忠正心雖有智人善解諸術猶尚不能降伏
於彼悉達太子況復我等但願聖子恕亮我
父我父無智不識道理如是恐怖大聖王子
當何取生大聖王子願仁所誓早獲成就速
證阿耨菩提 成道部第七

如普曜經云菩薩於樹下坐明星出時豁然
大悟年至十九出家三十成道又依般若問
論云掘樓頻螺林中成佛又自誓三昧經云

初成佛時十方諸佛各送袈裟佛合成一服
此衣今在梵天供養又空行三昧經云彌陀
佛先我四劫得道維衛佛先我三劫得道有
佛名能儒三十滅度迦葉佛十八得道我年
二十七得道今從多爲定十九出家三十成
道此文應允亦與餘義相應善見律云月生
三日得一切智泥洹經云佛初出得道並四
月八日今以爲正 天讚部第八
如華嚴經云尔時如來以自在神力不離菩
提樹坐及須彌山頂妙勝殿上夜摩天宮寶
莊嚴殿趣兜率天宮一切寶莊嚴殿尔時兜
率天王承佛威神以偈頌曰 無礙如來猶

滿月諸吉祥中取第一來入衆寶莊嚴殿是
故此處最吉祥 華嚴經云 爾時如來威神
力故十方一切諸佛世界諸四天下——閻
浮提皆有如來坐菩提樹下無不顯現 爾時
世尊威神力故不起此座昇須彌頂向帝釋
殿 爾時帝釋即說偈言 七佛定光諸佛等諸
吉祥中取無上 彼佛曾來入此處是故此地
最吉祥 爾時世尊威神力故不離道場及
帝釋宮向夜摩天寶莊嚴殿 爾時天王以偈
頌曰 名稱如來聞十方諸吉祥中取無上
來入摩尼莊嚴殿是故此處最吉祥
變化部第九 依華嚴經云 佛子 一切諸佛

於念念中悉能出生十無盡智何等爲十於
一念中悉現一切世界從兜率天命終於一
念中悉現一切世界菩薩出生於一念中悉
現一切世界菩薩出家於一念中悉現一切
世界往詣道場菩提樹下成等正覺於一念
中悉現一切世界轉淨法輪於一念中悉現
一切世界隨應化導一切衆生悉令解脫於
一念中悉於一切世界現莊嚴身隨應衆生
於一念中悉現一切世界種種莊嚴無數莊
嚴如來自在一切智藏於一念中悉現一切
世界清淨衆生於一念中遍一切世界悉現
三世一切諸佛於一念中爲種種諸根精進

欲性故現顯三世諸佛種性成等正覺開導
衆生佛子是爲一切諸佛於念念中生十無
盡智 又智度論云如阿毗曇說一時無二
心者若化佛語時化主默然若化主語時化
佛亦應默然云何佛一時皆說六波羅蜜
答曰此如外道聲聞變化耳如佛變化無量
三昧力不可思議是故佛自語時無量千萬
億化佛亦一時皆語又諸外道及聲聞化不
能作化如佛出世尊化復作化故諸外道聲聞
滅後不能留化如佛滅後能留如佛無異如
毗曇中一時無二心者今佛亦如是當化語
時亦不有心佛心念化欲令化語即便皆語

說法部第十三

此部三

述意部

訃機部

說益部

述意部第一

蓋聞大聖逗機影迹無方所

現之處無非利益故諦分真俗事決形心憑假實而上征寄乘權而下比良由生老病死無自出之期菩提涅槃有修入之證但內典

無邊應機而說故使法輪則柰國初轉 僧

侶則憍陳始度至於迦葉兄弟目連朋友西域之大勢東方通告二十八天之主一十六國之王莫不服道而傾心飡風而合掌於是他化宮裏乃弘十地耆闍山上方會三乘善告談無得之宗淨名顯不言之旨伏十仙之

外道制六群之比丘曾前則吐納江河掌內
則搖動山谷論劫則方石屢盡辯數則微塵
可窮斯乃三界之大師萬古之獨步吾自唐
才談何以盡縱使周公之制禮作樂孔子之
述易刪詩予賜之言語商偃之文學爰及左
元放葛仙子河上公莊周之等並駟二於方
內何足道哉若我師大法人天軌模三千法
式洎流中夏益利弘深廣療三毒傳照百燈
相繼不絕胡可勝言

訃機部第二

如華嚴經云如來出世譬如日出先照一切
諸大山王次照一切大山次照金剛寶山然
後普照一切大地然日光不作是意我當先

照大山乃至後照大地由山有高下故照有
前後如來亦尔平等普救然機有利鈍感佛
前後見聞不同大小有異 依弥沙塞律云
佛得道七日受解脫樂有五百乘車載石蜜
外國興生路由樹過車主兄弟二人離謂波
利創奉蜜麩四王奉鉢佛受之已爲說二歸
又更七日文鱗龍王奉非人食後過七日斯
那奉食姊妹四人受二歸依復過七日梵王
來請轉法輪 又普曜經云時梵王與六萬
八千梵王眷屬來詣佛所稽首足下請轉法
輪佛受請已言我宿命在波羅奈供養六百
億佛應在此轉法輪由觀樹七日以報其恩

故未說法。又智度論云佛成道已不即說法於五十七日。今檢括機緣然後說法。初七日思大乘法華第七七日用於小乘以擬衆生。又菩薩瓔珞經云當轉法輪在鹿野清明園爲久飢虛者潤於甘露法。又中本起經云世尊念言吾嘗路由梵志阿蘭迦蘭待吾有禮應往度之。天空中日此二人已亡七日又念應度鬱頭藍弗天復告云昨日命終又念父王曾遣五人一名拘隣二名頰陞三名跋提四名十力迦葉五名摩訶男執侍功勤應往度之。又轉法輪經云佛在鹿野樹下時空中有自然法輪飛來當佛前而轉佛以手

撫之止吾無始來為名色轉今愛意盡不復
流轉輪即便住又十二遊經云佛從四月八
日至七月十五日坐樹下為一季二季於鹿
野園中為五人說法三年為鬱鞞迦葉兄弟
三人說法滿千比丘四季在烏頭山為龍鬼
說法五季時度舍利目連舍利七日得上果
目連一果一卷十五日得上果十一六年須達共祇陀為佛
立精舍有十二佛圖寺有七十二講堂有三
千六百間屋有五百樓閣七季在拘耶尼園
為婆陀和菩薩等八人說般若經此經一卷
明苦行事
八季在柳山為屯真陀羅王弟說法九季在
穢澤中為阿掘摩說法十年遂摩竭國為弗

沙王說法十一季在恐懼樹下為彌勒說本

起經

本即修起是

十二季還父王國為釋氏八萬

四千人說法

又中本起經云世尊在摩竭

提國六季將還本國王遣優陀延迎佛疑此

異前未詳孰定

又普曜經云有梵志名優

陀王命迎佛別以十二年思得相見佛七日

後還本土

又分別功德經云佛還本土足

昇空行與人頭齊使父王接足而已不欲屈

身

又大集經云佛成道十六季知諸菩薩

任持法藏即於欲色界中間出大寶階大眾

俱登中階即上昇虛空

又分別功德經云

若不得說經處但稱在舍衛以佛在其國二

十五年此在諸國此住最久以其中多諸珍
異人多有義祇樹精舍有神異驗衆集之時
獅猴飛鳥群類數千悉來聽法寂冥無聲事
竟即去各還所止捷稚適鳴已復來集此由
國多仁慈故異類影附故智度論云舍衛城
有九億家三億明見佛三億信而不見三億

不見不聞佛二十五季在彼尚尔若得多信
利益無窮說益部第三

依菩薩處胎經云尔時世尊示現奇特異像
變一切菩薩盡作佛身光相具足皆共異口
同音說法互相敬奉各坐七寶極妙高座初
一說法純男無女第二說法純女無男第三

說法純度正見人第四說法純度邪見人第
五說法男女正等第六說法邪正亦等當尔
之時法法成就而無吾我道果成熟諸佛常
法說義神足第七八萬四千空行法門第八
八萬四千無相法門第九八萬四千無願法
門一十法門有無量義猶如點慧之人身有
千頭頭有千舌舌有千義欲得究盡此九法
門義於百千分未獲其一此是諸佛秘要之
藏皆由前身宿學成就廣明說益
備在諸篇

十四紙尾志

法苑珠林卷第十一

稟

前

子前

症

反女

鐸

徒各

皸

反側

殺

坎

反苦

敢

筌

反面

徒 劉

反 魚

鷗

反 烏

迨

反 徒

象

反 必

蓋

蔕

反 直

徒

Handwritten cursive script characters, including '劉', '鷗', '迨', '象', '蔕', and '徒'.



